



UNIVERSITÄTS-
BIBLIOTHEK
PADERBORN

Universitätsbibliothek Paderborn

Dissertationes Juridico-Theologicæ De Jure, & Justitia

Karchne, Simon

Augustæ Vindelicorum ; [Graz], 1714

Articulus II. Dissertationis IV. De injustitia in distributione Sæcularium officiorum, & Ecclesiasticorum Beneficiorum.

urn:nbn:de:hbz:466:1-40013

§. XVIII. Dissertationis III.

An Magistratus Secularis possit cogere Ecclesiasticos ad vendendum frumentum, ad taxam in venditione servandam, ad non efferendum id extra Provinciam, & an deprehensi egisse contra taxam, aut si extulerint frumentum, possint ab eodem puniri.

553. **R**espondeo ad primum negativè cum Pelliz tom. 2. in Mammal. Regular. tract. 8. c. 7. n. 125. Dian. p. 1. tract. 2. Resol. 3. contra Juris Consultos, & ex Theolog. Ortiz & Salas Ratio quod coactio sit actus jurisdictionis in eum, qui cogi potest, Magistratus autem secularis caret jurisdictione in Ecclesiasticos. Si tamen foret periculum in mora, quæ non patitur recursum ad superiorem Ecclesiasticum, frumentum posset extrahi id sequestrando non vi jurisdictionis, sed ratione instantis periculi titulo justæ defensionis aduersus famem.

Respondeo ad secundum, & tertium affirmativè ex n. 459. nam similibus legibus Ecclesiastici subjiciuntur quoad vim directivam, secùs quoad coactivam. Hinc.

Respondeo ad quartum & quintum negativè defectu jurisdictionis.

Articulus II. Dissertationis IV.

De injustitia in distributione Secularium officiorum, & Ecclesiasticorum Beneficiorum.

§. I.

De vitio injustitiae distributivæ circa Officia secularia.

554. PRæmitto Primo vitium justitiae distributivæ oppositum dicitur acceptio personarum, hæc autem est criterium injustitiae, in quo, in distributione bonorum & onerum communium, aut in jure dicendo, aut in honore ex-

hibendo non attenditur ratio causæ sive motivum justitiae, sed personæ aliarumque qualitatum ad rem non pertinentium E.g. consanguinitatis, amicitiae, divitiarum, munerum, &c.

Vitium
Tit. 3

Vitium hoc generaliter habet locum in distributione bonorum communium ac onerum non attentâ proportione meritorum, & dignitatis membrorum (quam dignitatem, & merita diximus esse motivum justitiae distributivæ) in conferendis bonis communibus, aut non attentâ proportione facultatis singularum in imponendis oneribus, sed plus æquo gravando eos, qui habent minores facultates. Unde non solum opponitur Justitiae distributivæ, sed etiam commutativæ cum obligatione restitutionis secundum omnes, quando subditi indebet gravantur; uti & quando Iudex in judiciis non servat formam & proportionem inter partes, aut si uni parti proterget causam, non alteri, aut minorem terminum præfigat non ex merito causæ, &c. contra Levit. 19. non consideres personam pauperis, nec honores, vultum potentis justè judica proximo tuo. Quam proportionem cum debeat servare erga partes etiam ex Justitia commutativa, sit, ut violando illum teneatur reparare; secus dum violat præcisè Justitiam distributivam: sic si sit distributio bonorum communium, prætermis dignis, aut dignioribus, his nihil est restituendum, uti nec quando acceptio personarum committitur in distributione honoris non tantum communis, ut in choro, Capitulo, senatu, sed etiam privati in privatis conventibus, ut notavit S. Jacobus C. 2. quia virtus observans quemvis honorat secundum proportionem excellentia in bonis facientibus dignum, ergo honorando hunc præ alio magis excellenti in bono digno honore accipit personas, consequenter peccat, non tamen graviter per-

se, sive remoto scandalo, odio, contemptu proximi.

Præmitto secundò, quod acceptio personarum specialiter accidat in conferendis officiis sæcularibus, & Beneficijs Ecclesiasticis, nempe in horum collatione, electione, præsentatione.

. 555. Dico primò acceptio Personarum est peccatum ex genere suo mortale, ita omnes apud Sanch, lib. 2. Consil. C. 1. dub. 1. n. 9. potest tamen esse veniale ob parvitatem materijæ contra Abul.. Primum patet ex scriptura Jacobi 2: si autem personas accipitis, peccatum operamini. Ratio est, quod peccatum in justitiae sit secundum omnes cum S. Thom. hic q. 59. ex genere suo mortale Secundum constabit, ex dicendis.

Dico Secundò electio indigni ad officia sæcularia, nisi parvitas materij excusat, est mortalis ex genere suo (nisi tota Respublica eligat, aut conferat, quod nunquam vel rarissime fit tunc enim cedit iure suo) quia constitutus à Respublica ad eligendos officiales ex Justitia commutativa obligatur ad præcavenda mala Reipublicæ, ergo à fortiori, ne positivè cooperetur malis, sed conferendo officia notabiliter indignis positivè cooperatur. Lug. Disput. 34. num. 9. Amplia ad eum, qui habet officium cum jure id gratis renunciandi, aut vendendi si renuntiet indigno, au vendat, quia per facultatem renunciandi, vel vendendi constituitur Minister Principis, sed hic non habet jus eligendi indiguum, ergo nec, &c. Lugo n. 11.

Dico tertius regulariter eligens ad officia sæcularia dignum, sive talem, qui communibus periculis, &c. occurre posse

possit reliquo Ministro digniore, qui exactâ suâ diligentia possit respuplicas in melius promovere, ac periculis etiam rarioribus obviare, hæcque sagacitate subtiliore prævidere, est peccatum mortale ita communior sententia apud Lugo n. 13. cum Less. lib. 2. c. 32. n. 17. in quam sententiam ipse Lugo n. 21. post multa disputata adversus fundamenta Sanch. & Less. descendit, quod vera sit regulatiter loquendo: probatur electores, aut collatores publicorum officiorum, ut Gubernatoris, aut Judicis alicujus Oppidi aut Arcis, quæstoris, Secretarij, Commissarij, &c. tenentur sub mortali ex Justitia commutativa ad impedienda damage Reipublicæ, sed hæc impedire non possunt, nisi Regulariter eligant digniores, quia communiter ij, qui creduntur digni, compriuntur postea indigni, & negligendo digniores languent litteraria studia, nam homines advertentes non preemiari merita, sinunt torpere ingenia, nullusque curat prometeri sibi Rempublicam obsequiis egregiis, hinc aut succrescant sensim innumerâ vitia, quæ non possunt non esse grave damage Reipublicæ. Hoc periculum cessat, dum semel aut iterum dignior postponitur, ergo tunc elector non peccat saltem mortaliter.

556. Infero venditionem officiorum inferiorum esse communiter illicitam, quia facile indignis, aut minus dignis venduntur, hicque potius ad utilitatem propriam, quam in commune bonum administrant, hujusmodi officia, Tanner. Disp. 4. q. 8. n. 23. Lugo sect. 3. bene docens n. 29. officia superiora ut Marchionatus, Ducatus, Comitatus, &c.

similia licet vendi posse à Principe, quia emptor, ac hujus posteri, quod non minus aptos inferiores officiales sint assumpturi, quam ipse Princeps, sperari posset, & sic caeventur incomoda Reipublicæ, quibus non obviatur, dum inferiora officia venduntur.


Infero secundò cum eligens scienter indignum (idem est de vendente aut renunciante officium indignum) aut cum ignorantia graviter culpabili sit causa totius damni ex mala administratione securi, tenetur totum damnum resarcire in defectum electi indigni physicè in immediatè causantis damna, quia causa immediatè influens in damnum primo loco obligatur, secundo verò influens mediatè qualiter influit eligens, quod si ipse electus non se ingesserit culpabiliter, sed crediderit se sufficientem, prout communiter accidit, tunc elector primo loco tenetur.

Hæc reparatio damni debetur non omisso digno, aut digniori, quia probabilitus est, huic nullum jus strictum competere sed Reipublicæ, cui ex Justitia commutativa Ministri obstringuntur procurare bonum commune Lugo D. 34. num. 42. contra aliquos volentes non ex Justitia sed fidelitate esse obligationem eligendi digniorem præ minus digno.

Unde si ex ejusmodi indigni, aut minus digni electione securæ sint iustæ sententiae, latrocinia, &c. damnum est reparandum passis illud. At si exinde securus sit lauguor bonarum disciplinarum, litterarum Studium accumulandi opes, ac exinde ascendendi ad dignitates, proinde occasio variorum in com-

communitate vitorum, &c. tunc illi, penes quos est administratio Reipublicæ, debent imposterum communiter elige-re digniores, excitare ad artium studia evocando viros doctos propositis magnis

præmiis, eisque, qui hactenus proposi-ti fuerant, cum tamen mererentur pro-moveri, prævidentur de officiis, Lugo-citatus sect. n. 49. & sequent.



§. II. Dissertationis IV. Articuli II.

De vitio opposito justitiae distributivæ circa beneficia Ecclesiastica.

557. **E**X Beneficijs sunt alia curata, alia non curata, seu sim-plicia; his non est annexa cura animarum; curata sunt, qui-bus incumbit circa animatum id est, potestas ligandi, & solvendi in foro interno, ceteraque Sacra menta ministrandi nomine proprio, & ex obligatione ob-tenti Beneficij c. extirpande 30. §. qui verò de prabendis & dignitat.

Ex curatis quædam sunt præemi-nentia ferè cum jurisdictione fori exter-ni eis antea subdivisa in majora, & minora. Majora sunt Episcopatus cum Reliquis Episcopatu sublimioribus: Mi-nora sunt Reliquæ dignitates Episcopo inferiores, ut Præpositura, saltem in Germania Abbatia aut Prælatura Regu-lares, Prioratus, Guardianatus, Recto-ratus, præsertim autem Provincialatus & Generalatus.

Ex simplicibus quædam sunt ma-joris momenti, ad Cardinalatus, Cano-nicatus, Decanatus, Archidiaconatu-s, &c. Archidiaconus enim vi sui præcisè officij non est necessario Sacer-

dos, proinde qua talis non habet pro-priè curam animatum, et si habeat po-rectatem in foro externo in animas nem-pe contentiosam.

Ecclesiarum Regimen esse onus Angelicis humeris formidandum testa-tur Trid. Sess. 6. c. 1. reform. Hinc Sess. 24. c. 1. reform. tanta linquì in promovendis ad Cathedrales, & Su-pe-riores Ecclesias est rei magnitudo, ut nunquam satis cautum de ea videzi possit, cum integritas præsidentium verba sunt Trident. priore loco cit. Jalus sit subdi-torum.

Quantum autem onus in consci-en-tia incumbat ijs, qui concurrunt ad pro-motionem ad Episcopatum & Cardinalatum declarat cit. Sess. 24. c. 1. de ref. inquiens: omnes & singulos ad pro-motionem præficiendorum operam suam prestantes alienis peccatis communi-care, & mortaliter peccare, nisi quos illi digniores, & Ecclesia magis uti-les ipsi judicaverint, &c. præfici di-ligenter curaverint.

558. Por-